



19. august 2022

UKA 2022/80

Inatsisartut suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiupparat:

Ilinniartitsisunngorlaat meeqcanut inuuusuttunullu tarnikkut ajornartorsiutilinnut pitsaanerusumik sullissisinnanngornissaat anguniarlugu ilinniartitsisunngorniarnermi tarnip pissusaa pillugu ikiuigasuarsinnaaneq aammalu meeqqat tarnikkut nappaatigisartagaat pillugit ilisimatusarneq eqqunneqarnissaat anguniarlugu Naalakkersuisut sulissuteqassallutik peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut Ilaasortaq Anna Wangenheim, Demokraatit)

Tunngavilersuut

Meeqqat atuarfianni tarnikkut timikkulluunniit innarluuteqaraluaraanni tamatta inissaqartitaanissarput Demokraatiniit kissaatitta ilagaat. Meeqqat atuarfiat ilinniartitsisunit atuartunillu toqqissisimaffiusoq kissaatigaarput. Atuarfik pitsaasoq meeqqatta pisariaqartitaat, ilinniartitsisunut suliffitsialaasoq, timelærinut, pedelinut allallu nunatta atuarfiini sulisususunut. Tamannali tamatigoortumik atugarineqanngilaq, suliassattalu ilagaat. Tamanna nunatta atuarfiiniit atugassarititanik misissuinerniit sulinngitsoortarnerniillu nalunngilagut.

Maannamut ilinniartitsisut kattuffiannit IMAK-miit nalunngisarilfersimavarput ilinniartitsisut ulluinnarni sulinerminni uippakajaarneq iluarisimaarininnnginnerlu atugaangaatsialersimasoq.¹ Namminneq illersorniarlutik "Nammineq illersorsinnaaneq" periarfissatut ujartornikuuat. Neriuppunga tamanna suleqatigitoqarnissaanik oqaloqatigitoqarnissaanillu annertusaataassasoq, suliffimmi ajornartorsiertoqartillugu, ilinniartitsisut angajoqqaallu akunnerminni aammalu ilinniartitsisut atuartullu akunnerminni aaqqiisinnanissamut periarfissaasinnaasunik. Tamattami kissaatigaarput ilinniartitsisut angajoqqaallu suleqatigiilluarnerasigut meeqqat atuarfimmi toqqissillutik atorsinnaassagaat. Meeqqagullu atuarfimmi inooqataaneq pitsaasunik sinaakkuteqarfifigissaguniku ilinniartitsisut suliffimminni iluarisimaarininnissaat aamma tamatta kissaatigaarput.

IMAK oqariartuutaan tusaarusullugu pinaveersaartitsisumik tamatigoortumillu siusinnerusukkut iliuusissanik pisariaqartitsisoqarpoq. Isumassatsialavorlu tarnip pissusaa pillugu ikiuigasuarsinnaaneq aammalu meeqqat tarnikkut nappaatigisartagaat pillugit ilisimatusarneq ilinniartitsisunngorniarnermi eqqunnissaa. Ilisimasaligassaq tamanna ilinniartitsisut atuartullu iluarisimaarininnnerulernernissaanut aaqqutissiuussisinnaanerluni? Demokraatiniit tamanna eqqarsaatitsialattut isigaarput. Ajornartorsiuttingortartunut pinaveersaartitsissaaq angerlarsimaffimmullu suleqateqarneq annertusissaq, tarnikkut peqqissuseq aammalu ikuusinnaanerlu pillugit aaqqiissutissanik ikioqatigiinnikkut ujartuisoqalissammat.

¹ " Ilaasortat sisamaagaangata ataaseq uippakajaarnermik eqqorneqarsimalluni ersiuteqartartoq ", Tusagassiortunut nalunaarut IMAK 18. november 2020



Inuit Innarluutillit Illersuisoqarfiat TILIOQ aammalu Meeqqat Illersuisuat MIO marluullutik oqariartorput klassini aammalu inuaqtigilinni meeqqat akooqataanissaat pisariaqartinneqartoq tyaakkunanilu tarnikkut ikiorserneqarnissaq pisariaqartinneqartoq. Anguniakkamullu tassunga inuit meeqqanut inuusuttunullu qanumut sullisisut tarnikkut ikuigasuarsinnaanissaat aqqutissiuunneratigut ajornartorsiutit aliasunnerillu pinerini saaffissat amerlinerisigut iluaqtuaassaaq. Sumiiffinni ataasiakkaani pinaveersaartitsinertullu taaneqarsinnaasoq, inuaqtiginnullu iluaqutaasussaq. Inuaqtigigit siunissami ineriarnermut aqutseriaasermullu iluaqtigissavaat meeqqat inuusuttullu tarnimikkut eqqarsartaatsimikkullu nukittuut, tamannalu aqqutissiuunnissaanut pariarfissaqarnerusariaqarpugut. Siunissamilu tarneq pillugu nakorsiartarfimmi ikorsiiniarnerit angummassinnaanerulernissaat neriuutigineqarsinnaalissaq, pinaveersaartitsinermi annertusineqarpat aliasuffinni ajornartorsiorfinnilu pisariaqartitsineq sukkanerusumik aaqqinnejqartalissamat.

Meeqqat nappaataanik suussusersineqartarneq pillugu ilisimatusarneq eqqarsaatigalugu naatsorsuutigineqarsinnaavoq peqqinnissaqarfimi immikkut ilisimasallit suleqatigineqarnissaat, taakkulu ilinniartitsisinnaallutik tarnikkut timikkullu nappaatit suunerinik. Ilinniarfissuarmi periarfissaareerpoq meeqqat immikkut pisariaqartitsisut pillugit immikkut ilinniartitaaneq.

Taamatut oqaaseqarlunga Naalakkersuisut akissutaat aammalu partiit sinneriniik kinguariit peqqinnerunissaannut nammassinnaanerunissaannullu sammisamut pingaarutilimmut oqaaseqaatissaat qilanaaraakka.

Pisortanut aningaasatigut allaffissornikkullu kingunissai

Siunnersuut missingersuutti pioreersunut ilaatinnissaa naatsorsuutigineqarpoq, Ilinniarfissuarmi ilinniarfigineqarsinnaasuni peqqinnissatigut immikkut sammineqarsinnaasunik peqareermat. Taamaattorli Red Barnet, Røde Kors imaluunniit allat taamatut suliaqarsinnaasut suleqatiginerisigut tarnikkut ikuigasuarsinnaanermut pikkorissarnerit ingerlanneqartarnissaannut suleriusissamik pisariaqartitsisoqarsinnaavoq. Taamatut assingusumik suleqateqartoqarnissaannik suliniuteqartoqassappat missingersuutti iluanni ingerlanneqarsinnaasoq Naalakkersuisut akissumminni allannikuuat.²

Taamaattumik ilisimasaq tamanna nutaaq missingersuutti pioreersut iluanni ingerlanneqarsinnaanera naatsorsuutigineqassaaq, meeqqat atuarfeqarfii kommunalbestyrelsili qaavatigut nammakkersornagit, §37 aallaavigalugu apeqquteqaat akissutaani suliniutit assingusuni ilinniusiani “inuttut inerikkiartorneq” ataani inissimasussaapput, qinngasaarisarneq killiliisinnaanerlu iluani ilaallutik.

Namminersorlutik inuussutissarsiuteqartunut aningaasatigut allaffissornikkullu kingunissai Soqanngilaq.

Innuttaasunut aningaasatigut allaffissornikkullu kingunissai

Soqanngilaq.

² Akissut § 37 apeqquteqaat normu 67/2021